

BOSNA I HERCEGOVINA
EDERACIJA BOSNE I HERCEGOVINE
UNSKO-SANSKI KANTON
OPĆINSKI SUD U BOSANSKOJ KRUPI

Broj: 018-0-Su-25-000 128
Dana, 10.03.2025.godine

U skladu sa članom 18. stav (1)., 87. stav (2), 88. i 89. Zakona o javnim nabavkama („Službeni glasnik BiH“ broj: 39/04, 59/22 i 50/24), članom 14. Pravilnika o javnim nabavkama u Općinskom sud u Bosanskoj Krupi (broj: 018-0-Su-23-000 163 od 31.03.2023.g.) i Budžeta Unsko-sanskog kantona za 2025.godinu („Službeni glasnik USK“ broj: 1/25), predsjednica Općinskog suda u Bosanskoj Krupi donosi:

O D L U K U
o pokretanju postupka javne nabavke roba
putem otvorenog postupka za dostavu ponuda

I Predmet javne nabavke roba

Član 1.

- (1) Općinski sud u Bosanskoj Krupi, kao ugovorni organ, pokreće postupak javne nabavke roba - **putničkog motornog vozila / službenog automobila.**
- (2) Brojčana oznaka jedinstvenog rječnika javnih nabavki (JRJN) za radove iz člana 1. ove odluke jeste 34100000-8 - Motorna vozila.

Član 2.

Predmet javne nabavke iz člana 1. ove Odluke, predviđen je *Izmjenom Plana nabavki Općinskog suda u Bosanskoj Krupi za 2025.godinu*, u tabeli 1.) Robe, pod rednim brojem 1. odnosno redni broj 12. u Planu javnih nabavki na Portalu JN.

II Vrijednost javne nabavke roba i način financiranja

Član 3.

- (1) Ukupna procijenjena vrijednost javne nabavke iznosi 54.700,00 KM (pedestčetiri hiljadesedamstotina KM), bez uračunatog PDV-a, odnosno 63.999,00 KM (slovima: šezdeset trihiljadedevetstotinadevdesetdevet KM) sa uračunatim PDV-om.
- (2) Nabavka nije podijeljena na lotove.

Član 4.

Roba koja je predmet javne nabavke će biti financirana iz sredstava Budžeta USK-a za 2025 godinu, za budžetskog korisnika - Općinski sud u Bosanskoj Krupi, koja sredstva se nalaze u okviru ekonomskog koda 821300 – nabavka opreme/prevozna oprema.

III Vrsta postupka javne nabavke

Član 5.

- (1) Javna nabavka radova iz člana 1. ove Odluke, provest će se putem **otvorenog postupka za dostavu ponuda uz korištenje e-aukcije.**

- (2) Postupak javne nabavke iz stava 1. ovog člana, provest će se u skladu sa odredbama Zakona o javnim nabavkama BiH, podzakonskim i internim aktima kojima su regulisane javne nabavke.

IV Kriteriji za izbor najpovoljnijeg ponuđača i zaključenje ugovora

Član 6.

- (1) Dodjela ugovora zasniva se na **kriteriju najniže cijene.**
- (2) Po okončanju postupka javne nabavke predviđeno je zaključivanje **Ugovora o nabavci službenog automobila za potrebe Općinskog suda u Bosanskoj Krupi.**

V Komisija za provođenje postupka javne nabavke

Član 7.

- (1) Postupak javne nabavke roba po ovoj Odluci provest će komisija koja će biti formirana od strane predsjednice suda posebnom odlukom.
- (2) Formiranje komisije izvršiće se u skladu sa članom 12. Pravilnika o javnim nabavkama u Općinskom sud u Bosanskoj Krupi.

Član 8.

Ova odluka stupa na snagu danom donošenja i bit će objavljena na web-stranici Općinskog suda u Bosanskoj Krupi.



PREDSJEDNICA SUDA

Ezić Munevera